

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA BANOVIĆI
OPĆINSKI NAČELNIK**

Broj: 01-05-660 /16
Banovići, 10.05. 2016. godine

Na osnovu člana 15. Zakona o principima lokalne samouprave („Sl. Novine F BiH“, broj: 49/06), člana 42. Statuta općine Banovići („Službeni glasnik općine Banovići“, broj: 3/08), tačke XI Programa zbrinjavanja građanja i pomoći u obnovi i izgradnji stambenih jedinica i stambenih objekata ugroženih poplavama i klizištima u vrijeme prirodne nesreće na području općine Banovići usvojenog od strane Općinskog vijeća općine Banovići („Sl. Glasnik općine Banovići“, br. 9/14) i člana 6. Pravilnika o bližim kriterijima, postupku i dokumentaciji neophodnoj za ostavriavanje prava na pomoć u obnovi i izgradnji stambenih jedinica i stambenih objekata ugroženih poplavama i klizištima u vrijeme prirodne nesreće na području općine Banovići („Sl. Glasnik općine Banovići“ br. 2/15) a u vezi sa Zakonom o finansiranju pomoći za otklanjanje posljedica prirodne nesreće i obnovu područja zahvaćenih prirodnom nesrećom, (Službene novine F BiH“, broj: 59/14 i 80/14) i odredbama Pravilnika o postupku objavljivanja konkursa za dodjelu sredstava iz Federalnog Fonda za pomoć nastradalim područjima od prirodne nesreće na teritoriji F BiH („Službene novine F BiH“, broj: 65/14), u skladu sa Budžetom općine Banovići za 2016. godinu („Sl. Glasnik općine Banovići“, br. 11/15), Općinski načelnik raspisuje

JAVNI KONKURS

1. Predmet javnog konkursa

Predmet ovog Javnog konkursa je raspodjela novačnih sredstava za pomoć u izgradnji i sanaciji stambenih objekata lica čiji su stambeni objekti uništeni ili oštećeni djelovanjem klizišta i poplava tokom prirodne nesreće na području općine Banovići proglašene 15.05.2014. godine, bez obzira na stepen oštećenja.

Sredstva u ukupnom iznosu od **114.967,00 KM** su obezbijedili općina Banovići iz sredstava posebne namjene i Federalni štab Civilne zaštite Odlukom o odobravanju jedokratne novčane pomoći za saniranje šteta („Sl. Novine Federacije BiH“, br. 96/15).

Od gore navednog iznosa **18.000,00 KM** dodijelit će se u jednakim (linearnim) iznosima korisnicima čiji su stambeni objekti **uništeni** djelovanjem klizišta i poplava tokom prirodne nesreće na području općine Banovići proglašene 15.05.2014. godine koji se u roku utvrđenom Konkursom prijave na isti i koji budu u potpunosti ispunjavali uslove Konkursa, bez obzira da li su do sada dobili novčana sredstva ili nekretninu (zemljište) putem Javnog konkursa od općine Banovići kao pomoć u stambenom zbrinjavanju, pod uslovom da su se prethodno odlučili za izgradnju stambenog objekta i započeli sa izgradnjom istog.

Iznos novčanih sredstava od **96.967,00 KM** dodijelit će se korisnicima koji do sada nisu dobili novčana sredstva ili nekretninu (zemljište) putem Javnog konkursa od općine

Banovići kao pomoć u stambenom zbrinjavanju a čiji su stambeni objekti **oštećeni** djelovanjem klizišta i poplava tokom prirodne nesreće na području općine Banovići proglašene 15.05.2014. godine koji se u roku utvrđenom Konkursom prijave na isti i koji budu u potpunosti ispunjavali uslove Konkursa, na način da će se novčani iznos pojedinačno procijenjene štete od djelovanjem klizišta i poplava tokom prirodne nesreće na području općine Banovići proglašene 15.05.2014. godine za stambeni objekat u vlasništvu fizičkog lica dijeliti sa iznosom ukupno procijenjene štete od djelovanja klizišta i poplava tokom prirodne nesreće na području općine Banovići proglašene 15.05.2014. godine za stambene objekte u vlasništvu svih lica koja su se prijavila na Konkurs i ispunjavaju sve uslove utvrđene Konkursom, te tako dobijeni iznos množiti sa ukupno predviđenim iznosom sredstava za raspodjelu po ovom Javnom Konkursu za sanaciju oštećenih objekata, prema formuli:

1	X 3
2	

gdje je:

1 – IZNOS POJEDINAČNO PROCIJENJENE ŠTETA OD PRIRODNIH I DRUGIH NESREĆA KOJE JE UZROKOVALA POPLAVA I KLIZIŠTA NA PODRUČJU OPĆINE BANOVIĆI 2014. GODINE ZA OBJEKAT U VLASNIŠTVU FIZIČKOG LICA KOJE SE PRIJAVILO NA JAVNI KONKURS I ISPUNJAVA USLOVE KONKURSA IZRAŽEN U KONVERTIBILNIM MARKAMA (KM);
 2 – IZNOS UKUPNO PROCIJENJENE ŠTETA OD PRIRODNIH I DRUGIH NESREĆA KOJE JE UZROKOVALA POPLAVA I KLIZIŠTA NA PODRUČJU OPĆINE BANOVIĆI 2014. GODINE ZA OŠTEĆENE STAMBENE OBJEKTE U VLASNIŠTVU FIZIČKIH LICA KOJA SU SE PRIJAVILA NA JAVNI KONKURS I ISPUNJAVAJU USLOVE KONKURSA (IZRAŽEN U KM);
 3 – UKUPNO RASPOLOŽIVA NOVČANA SREDSTVA KOJA SU PREDMET DODJELE OVIM JAVNIM KONKURSOM ZA SANACIJU OŠTEĆENIH OBJEKATA (U KM)

2. Korisnici sredstava koji imaju pravo na podnošenje prijave

Korisnici sredstava po ovom javnom konkursu za iznos novčanih sredstava od **18.000,00 KM** su vlasnici (pravni ili faktički) stambenih objekata koji su **uništeni** usljed prirodne nesreće uzrokovane obilnim kišnim padavinama na području općine Banovići i koji su u momentu proglašenja prirodne nesreće, odnosno na dan 15.05.2014. godine koristili iste za stanovanje, bez obzira da li su do sada dobili novčana sredstva ili nekretninu (zemljište) putem Javnom konkursu od općine Banovići kao pomoć u stambenom zbrinjavanju, pod uslovom da su se prethodno odlučili za izgradnju stambenog objekta i započeli sa izgradnjom istog.

Korisnici sredstava po ovom javnom konkursu za iznos novčanih sredstava od **96.967,00 KM** su vlasnici (pravni ili faktički) stambenih objekata koji **su oštećeni** (bez obzira na stepen oštećenja objekta) usljed prirodne nesreće uzrokovane obilnim kišnim padavinama na području općine Banovići i koji su u momentu proglašenja prirodne nesreće, odnosno na dan 15.05.2014. godine koristili iste za stanovanje.

3. Uslovi koje podnosioci prijave moraju ispunjavati

Pravo na učešće po osnovu ovog javnog konkursa imaju korisnici koji kumulativno ispunjavaju sljedeće uslove:

1. vlasnici stambenih objekata (pravni i faktički) koji su u momentu proglašenja stanja prirodne nesreće, odnosno na dan 15.05.2014. godine imali prijavljeno mjesto prebivališta na području općine Banovići,
2. lica kojima je prirodnom nesrećom uništen ili oštećen stambeni objekat, bez obzira na stepen oštećenja,
3. lica koja nemaju u vlasništvu drugu nekretninu iste namjene

Pod **stambeni objektom** u smislu ovog Konkursa podrazumijeva se porodična kuća (individualni stambeni ili stambeno-poslovni objekat koji ne služi za obavljanje poslovne djelatnosti), namijenjena za stanovanje.

Pod **uništenim stambenim objektom** u smislu ovog Konkursa smatra se objekat koji je u vrijeme prirodne nesreće potpuno uništen i kao takav je trajno onemogućen za korištenje i stanovanje, te se ne može izvršiti njegova sanacija ili je ona povezana sa nesrazmjernim troškovima ili sigurnosnim rizicima.

Pod **oštećenim objektom** smatra se objekat koji je u vrijeme prirodne nesreće pretrpio oštećenja, ali je uslovan za stanovanje i može se izvršiti njegova sanacija, kao i objekat na kojem u vrijeme prirodne nesreće nije pričinjena šteta, ali je u njegovoj neposrednoj blizini u vrijeme prirodne nesreće aktivirano klizište/odron koje prijeti da ugrozi stabilnost i sigurnost objekta.

Pravo na novčanu pomoć može ostvariti samo jedan član porodičnog domaćinstva vlasnika uništenog stambenog objekta iz prethodnog stava ovog konkursa.

Ako objekat ima više suvlasnika i više domaćinstava, pravo na pomoć u smislu ovog konkursa može ostvariti samo jedan od suvlasnika uništenog stambenog objekta.

4. Popis dokumenata koje je potrebno priložiti uz prijavu

1. Prijavu na javni konkurs sa ličnim podacima (ime, prezime, ime oca, jedinstveni matični broj, adresa na koju će se dostavljati pismena Komisije za provođenje postupka i kontakt telefon). **Prijava se podnosi na prijavnom obrascu s tim što se na Prijavnom obrascu mora naznačiti da li se prijava podnosi za izgradnju uništenog objekta ili za sanaciju oštećenog objekta.** Prijavni obrazac se može dobiti u sjedištu Komisije za provođenje postupka, Alije Dostovića broj 1, Centar za pružanje usluga građanima-Šalter sala općine Banovići i na web stranici Općine Banovići;

2. Uvjerenje o državljanstvu,

3. Ovjerenu Kopiju CIPS-ove prijave prebivališta,

4. Dokaz o vlasništvu (pravnom i fizičkom) na uništenom stambenom objektu na području općine Banovići na dan proglašenja stanja prirodne nesreće (ZK izvod ili izvod iz posjedovnog lista, u slučaju nepostojanja ovih dokumenata: račun za isporučenu električnu energiju za maj 2014. godine);

5. Kopiju zapisnika Općinske komisije za procjenu šteta kojim je konstatovano oštećenje stambenog objekta,

6. Ovjerenu izjavu pod krivičnom i materijalnom odgovornošću da su korisnik i članovi porodičnog domaćinstva imali mjesto prebivališta u uništenoj i oštećenju stambenoj zgradi na dan 15.05.2014. godine;

7. Dokaz da nije vlasnik druge nekretnine namijenjene za stanovanje na

području općine Banovići na dan proglašenja stanja prirodne nesreće (uvjerenje ZK ureda i potvrda - uvjerenje Službe za geodetske i imovinsko pravne poslove općine Banovići);

8. Za korisnike čiji su stambeni objekti uništeni djelovanjem klizišta i poplava tokom prirodne nesreće na području općine Banovići proglašene 15.05.2014. godine pod uslovom da su se prethodno odlučili za izgradnju stambenog objekta i započeli sa izgradnjom istog – Odobrenje za građenje za novi stambeni objekat.

NAPOMENA:

Dokaze pod tačkama 2 (Uvjerenje o državljanstvu), 5 (Kopiju zapisnika Općinske komisije za procjenu šteta kojim je konstatovano oštećenje stambenog objekta), 7 (u dijelu koji se odnose na potvrdu-uvjerenje Službe za geodetske i imovinsko pravne poslove općine Banovići o neposjedovanju druge imovine na području Općine Banovići) i 8 (Odobrenje za građenje za novi stambeni objekat), Komisija za provođenje postupka će pribaviti po službenoj dužnosti nakon otvaranja prijave učesnika konkursa.

Za korisnike koji se prijave za izgradnju uništenog objekta Komisija može po službenoj dužnosti izvršiti odgovarajuće dodatne provjere radi utvrđivanja da li imaju u izgradnji započet stambeni objekat.

Ostale dokaze pribavit će podnosilac zahtjeva i dostaviti uz prijavu na Javni konkurs.

5. Kriteriji za odabir i dodjelu sredstava

1. Prijave lica koja se budu prijavila na ovaj Javni konkurs će biti obrađivana prema kriterijima propisanim Pravilnikom o bližim kriterijima, postupku i dokumentaciji neophodnoj za ostvarivanje prava na pomoć u obnovi i izgradnji stambenih jedinica i stambenih objekta ugroženih poplavama i klizištima u vrijeme prirodne nesreće na području općine Banovići („Sl. Glasnik općine Banovići“ br. 2/15).

4. Utvrđenu Listu korisnika sredstava za izgradnju uništenog stambenog objekta i Listu korisnika za sanaciju oštećenog stambenog objekta Komisija objavljuje se na Oglasnoj ploči općine Banovići, službenoj web stranici općine Banovići i dostavlja svim učesnicima Javnog konkursa.

5. Na liste prijavljeni kandidati mogu izjaviti prigovor u roku od 3 (tri) dana od prijema rang liste Drugostepenoj komisiji imenovanj od strane Općinskog vijeća.

6. Konačnu odluku o odabiru korisnika sa iznosom dodijeljenih sredstava donosi Općinski načelnik u roku ne dužem od 30 dana od dana dostavljanje liste od strane prvostepene komisije ukoliko na istu ne bude prigovora učesnika Konkursa odnosno Konačne rang liste sa Odlukom o odabiru korisnika od strane Drugostepene komisije.

7. Sa korisnicima sredstava zaključit će se ugovori o korištenju sredstava čiji potpisnici će biti Općina Banovići i korisnik sredstava.

6. Rok za dostavu prijava na Konkurs

Ovaj javni konkurs objavit će se u "Službenim novinama Federacije BiH", na službenoj web stranici Općine Banovići i dnevnim listovima „Faktor“ i „Avaz“.

Rok za podnošenje prijava na javni konkurs je 15 (petnaest) dana od dana posljednjeg objavljivanja javnog konkursa.

Ako tekst javnog konkursa ne bude istovremeno objavljen, rok za podnošenje prijave na javni konkurs računat će se od zadnjeg objavljivanja.

Prijave na javni konkurs u zatvorenoj koverti sa traženim dokumentima dostaviti na adresu:

OPĆINA BANOVIĆI

Komisija za provođenje postupka odabira korisnika po objavljenom javnom konkursu za raspodjela novačnih sredstava za pomoć u sanaciji uništenih ili oštećenih stambenih objekata

**Ulica Alije Dostovića br. 1 - BANOVIĆI
"Ne otvaraj"**

Nepotpune i neblagovremene prijave neće se uzeti u razmatranje.

Dodatne informacije mogu se dobiti putem telefona 035 743-426.

Općina Banovići ne snosi nikakave troškove podnošenja prijave po ovom Javnom konkursu, te zadržava pravo da ovaj Konkurs poništi i ne snosi nikakavu odgovornost prema učesnicima konkursa.



OPĆINSKI NACELNIK

Husije Midhat